

PIDAGING MAKA BANTANG AWIG – AWIG

BANJAR ADAT GEDE ABIANBASE

MURDA CITHA

SARGA . I : ARAN BANJAR

SARGA . II : PATITIS LAN PAMIKUKUH

SARGA . III : SUKERTA TATA PAKRAMAN.

Palet . 1 : Indik Makrama

Palet . 2 : Indik Prajuru

Palet . 3 : indik Paruman

Palet . 4 : Indik Kukul

Palet . 5 : Indik Padruwen Banjar

Paket. 6 : Indik Tedun Makrame

Palet . 7 : Indik Pamopog

Palet . 8 : Indik Pekaeng

Palet . 9 : Indik Penyanggran Banjar

Palet .10 : Indik Uger – Uger Padruwen Banjar

SARGA . IV : NGUWAH – NGUWUHIN AWIG

SARGA . V : PAMUPUT

MURDA CITTA

Om Swastyastu Namo Ciwa Budaya . Om Awigenamastu Namu Sidham.

Putusin paseban banjar Adat Gede Abianbase wantah ninggilang Banjar Sinanggeh Bhuana Agung lan Pawongan soang – soang pinaka Bhuana Alit nganutin Dresta.

Sotaning Bhuana Agung Banjar, Maka prabawa Ngurip jangkep “ TRI HITTA KRANA “ luwire :

1. Parahyangan : Genah penyawian Banjar maka Atman I Banjar.
2. Pawongan : Sinanggeh warga Banjar sane ngawe Tri Kaya mawinan I Krama Banjar side molih maprawerti
3. Palemahan : Mekadi tanah wewidangan lan sepedagingnyane sinanggeh angge sarira taulan I Banjar.

Adung Patemon I Bhuana Agung lan I Bhuana Alit melarapan shanta Jagathita kasinanggeh Prayojana angripta Awig – Awig Banjar Pakraman maka sepat siku – siku pemeneh wastu kasidhan prayojana name kabeh.

Prasama angidep muah amanggehaken kadi tata gamaning awig – awig puniki.

SARGA . I

ARAN BANJAR

Pawos . 1: Banjar Adat puniki mewasta "Banjar Adat GEDE ".

SARGA. II

PATITIS LAN PAMIKUKUH.

Pawos .1 : Banjar Adat GEDE Puniki Ngemanggehang Patitis :

1. Pancasila mekadi mungguh ring pembukaan Undang Undang Dasar 1945. taler Undang – Undang Dasar pemekas pasal 18 .
2. Trihita Karana Tatiwaning Bhuana Agung.
3. Patitis lan Pamikukuh mangde nginutin awig – awig Desa Adat Abianbase.

Pawos . 2 : Luwir Pamikukuh Banjar Adat GEDE .

1. Mikukuhin miwah nyegjegan Sanghyang Agama.
2. Ninggilan tata maprawerti me Agama
3. Ngerajegan kesukertan Banjar saha Pawongan nya Sekala lan Niskala.

SARGA. III

SUKERTA TATA PAKRAMAN

PALET.1 : INDIK MAKRAMA

Pawos .1: Krama Banjar Adat GEDE.

Sane kebawos Krama Banjar Adat Gede wenten tigang palih (Tri Angga) mekadi :

1. KramaNgarep : Krama sane nganggep / ngamong karang Desa.tur sampun tedun mebanjar Adat Gede.
2. Krama Penyade : Krama sane wenten dedandangan waris saking Krama ngarep.
3. Krama Pengele : Krama sane madunungan tetep ring I Krama ngarep , magenah ring sajeroning palemahan desa adat abianbase.

Pawos . 2 : Ayahan .

Pamedal ayahan kadi ring sor :

1. Ayahan krama ngarep (pengarep)

Ayahan pingkalih urunan keni " **Asiki** "

2. Ayahan Balu.

a. Balu ngelintik : Jadma sane balu nenten madruwe panyelediyi , keni ayahan asibak , mekadi sane balu luh patut luput ayahan muani , Sane balu muani patut luput ayahan luh , nanging pakenan kenan keni $\frac{1}{3}$ (kepah telu) sekantun Krama punika meresidayang ngerereh Pengupa Jiwa (karya)

b. Balu Ngunpu : Jadma sane Balu kantun madruwe ayah Penyade.keni ayahan lan , urunan $\frac{1}{2}$ (asibak)

3. Ayahan krama Werda : Krama Banjar Adat sane sampun meyusa langkung 60 warsa sane nenten medue panyelediyi luput ring ayah –ayahan ping kalih urunan .
4. Ayahan krama Penyade miwah Pengele merupa pitulung ngamedalan urunan utawi ayahan manut ketekeng manah ipun utawi Perarem.

Pawos . 3 : Darmanaing Krama Banjar Adat GEDE .

Krama Banjar Adat Gede Patut :

1. Ngepah ayu pelinggih pingkalih wewangunan Banjar Adat Gede .
2. Ngemedalan urunan utawi ayahan manut Pararem banjar Adat Gede .
3. Ngewangun wewangunan sane ke among antuk banjar Adat Gede .
4. Ngardinin sukertaning Banjar Adat Gede medasar antuk kayun suka duka , salunglung sebayan taka.

Pawos . 4 : Wusan Mekrama Banjar..

Krama Banjar wusan mekrama Banjar mekadi :

1. Megingsir genah utawi transmigrasi .
Padruwen nyane merupe jinah / kas patut kewaliang.
2. Kawusan antuk keputusan pararem Banjar.
Padruwennyane sane wenten Ring Banjar mekadi Jinah / Kas miwah sane siosan nenten kewaliang (dados padruwen banjar) .
3. Krama banjar sane nenten kantun ngagem agama hindu (pindah agama),Padruwennyane sane wenten Ring Banjar mekadi Jinah / Kas miwah sane siosan nenten kewaliang tur ten wenang kari megenah ring karang Desa.

PALET.2 INDIK PRAJURU BANJAR.

Pawos .1 : Krama Banjar Adat Ke enteran antuk :

1. Kelian Pratus.
2. Kesinoman / Prajuru Arah.

Pawos . 2 : Prajuru Kekaryanin antuk :

1. Krama banjar manut pagiliran , utawi **Pararem Banjar** .
2. Kelian Pratus kekaryanan kalih diri salami kalih warsa tur kegambel antuk Krama menak.
3. Kesinoman kekaryanan kalih diri salami kalih warsa tur kegambel antuk Krama wargi.
4. Krama Banjar sane nenten poleh ketibakang dados prajuru mekadi :
 - a. Krama sane naur jinah pekaeng .
 - b. Karma sane dados Kelihan Dinas.
 - c. Krama Banjar sane sampun ngambel pekaryan **Banjar** utawi **Desa Adat** mekadi .(Kerta Desa ,Manggala Desa , Petajuh lan Pecalang).
5. Prajuru sane anyar patut ketunasan pewintenan ritatkala petirtan ring Pelinggih Bale Banjar

PALET.3 : INDIK PARUMAN.

Pawos .1 : Paruman / Sabha punika wenten :

1. Paruman / Sabha asasih pisan : inggih punika ritatkala pinanggal 9 masehi , dados uwah – uwuhin sekadi kewentenan rahina ala lan rahina ayu .
2. Paruman / Sabha Kalih warsa pisan : inggih punika ritatkala tanggal 1 Januari , parindikan ngentosan prajuru Banjar.
3. Paruman / Sabha sane siwosan : Inggih punika Parade Wenten wicara sane pinih buat .

Pawos . 2 : Uger - Uger Paruman / Sabha .

1. Paruman / sabha sane sampun ketetepang ring ajeng (Pawos 1) kengin /dados kekawitan yening I Krama Banjar sampun rauh lintangan ring $\frac{1}{2}$ (atenga) kekawitan antuk ngaturang Puja Trisandhya .
2. Yening wenten I Krama tan rauh Paruman , ten wenten pesadok ping tiga paruman , patut ketetes antuk Prajuru lan Pemuka .
3. Sane kengin / dados ten rawuh Parum / Sabha (polih papuangkidan) luwirnia :
 - a. Sakit / gering.
 - b. Ketepetan sakit / gering.
 - c. Keluasan.
4. Pamutus Pararem munggah kepatutan yening sampun kesungkeman ring I Krama Banjar lintangan ring $\frac{1}{2}$ (atenga)
5. Ritatkala ngewentenang peparuman / Sabha patut I Krama ngangge busana nganutin adat .kadi mewastra ngangge kampuh / selempot lan Destar .
asapunika taler ritatkala Prajuru / sinomam jagi mewarah – warah ring Krama Banjar
Yening wenten I Krama murug wenang I Krama punika kabudalang
6. Sane kedadosan nyarengin Peparuman / Sabha wantah I Krama banjar sane ngarep utawi krama penyade lanang sane sampun meyusa 17 warsa.

PALET . 4 INDIK KULKUL

Pawos . 1 : Ceciren Suaran KULKUL .

Suaran kul kul punika ceciren ipun mekadi :

1. Kepanca Baya mekadi ke amuk sekancan sane kepekayunan kelangkung mebaya Suarania " **Tigang tulud bulus** "
2. Yening puwun suarania " **Kalih tulud bulus utawi bulus terus** "
3. Yening keicalan suarania " **Bulus atulud** "
4. Keicalan Deha suarania " **Limang kelentungan kalih palet** "
5. Keicalan Deha tur keplegandang " **Limang kelentungan tigang palet** " .
6. Yening wenten Krama padem / seda " **Tigang kelentungan** " .
7. Yening parum utawi mekarya suaranie " **Lelambatan kalih palet** "
8. Yening urung mekarya wiadin sangkep suaran ipun " **Lelambatan apisan** " .

Pawos . 2 : Sang Sane Wenang Nepak KULKUL .

1. Prajuru , wiadin sapatuduh Prajuru
2. Yening kepangguh Baya kengin antuk sang manggihang .
Selanturnyane nyadokan ring Prajuru.

PALET .5 : INDIK PADRUWEN BANJAR.

Pawos . 1 : Padruwen Banjar Minakadii .

1. Tanah , Pelinggih, lan wewangunan Bale Banjar Sekadi kewentenannyane.
2. Gambelan / Gong inucap mangda kawerdiang tur pastika kawigunan nyane angge prebiye kesukertan Banjar Adat Gede nganutin uger – uger sane sampun kesungkeman.
3. Prabot utawi jinah (kas) sekadi kewentenan nyane .
4. Padruwen banjar mangde keunggahan ring ilikita (Cakepan / Buku Inventaris)

PALET.6 : INDIK TEDUN MEBANJAR

Pawos .1 : Tedun Mebanjar.

1. Krama penyade sane sampun merabian kepatutan tedun mebanjar mekadi :
 - a. Sane merabian bulan (sasih) Oktober , Nopember, lan Desember patut tedun mebanjar ritatkala tanggal 1 Januari warsa selanturnyane.
 - b. Sane merabian bulan (sasih) sane siosan ring ajeng (1.a) patut tedun mebanjar 3 (tigang)sasih ngawit saking Parabian ipun inggih punika ritatkala paruman asasih pisan (ritatkala tanggal 9 sasih selanturnyane)
2. Krama sane ngawit tedun mebanjar mangda ngaturan peras ajengan daksina / pejati ritatkala piodalan ring pelinggih Bale banjar.

PALET .7 : INDIK PAMOGPOG.

Pawos . 1 : Kekepah dados tiga .

1. Sang sane pacang tedun mekrama banjar pinaka penyelediwi ngarep nenten keni pemopog .
2. Sang sane pacang tedun mekrama banjar keanggehang krama penyade, wong tuannyane krama banjar adat Gede, keni pemopog 30 (telung dasa) kg beras .
Ketaur ritatkala paruman asasih pisan tur dados kecicil ping 2 (kalih) .
3. Sang sane pacang tedun mekrama banjar,wong tuanyane naenan mekrama Banjar ring Banjar Adat Gede, keni pamopog 100(satus) kg beras .
Ketaur ritatkala paruman asasih pisan tur dados kecicil ping 2 (Kalih) .

Pawos . 2 : Sang sane pacang tedun makrama Banjar wong tuannyane nenten naenan mekrama Banjar ring Banjar Adat Gede keni pamogpog mekadi jinah / kas sane kedruwenang antuk Banjar pingkalih keni pamogpog wewangunan Bale Banjar , Gong, Prabot – prabot Banjar ageng ipun manut perarem Banjar Adat Gede dados kecicil ping 3 (tiga) ketaur ritatkala parumam asasih pisan .

PALET - 8 : INDIK PEKAENG

Pekaeng inggihan punika Jinah Batu- batu sane ketaur saking 1 Krama Banjar wantah sajeroning Ayahan kemanten (nenten numbas ayah)

- Pawos . 1.** Krame banjar sane dados naur jinah pekaeng inggih punika Krama Banjar sane nenten jenek ring sawengkoning Desa Adat Abianbase, kemaon nenten kedadosan yening wenten penyeledihi ipun kantun meresidayang ngayahang.
- Pawos . 2.** Krama banjar sane naur pekaeng ageng ipun Rp. 100,000 ,- (satus tali rupiah) utawi manut perarem tur patut ketaur nyabran 6 (enem) sasih ritatkala petirtan ring Pelinggih Bale Banjar.
- Pawos . 3** Krama banjar sane naur jinah pekaeng keni patis pateh sekadi karma banjar sane siosan tur nenten ngetangan balu
- Pawos . 4** Krama banjar sane naur jinah pekaeng wantah pandidikan pekaryan (ayah ayahan ring sejeroning Banjar Adat Gede kemanten .

PALET.9 : INDIK PENYANGGRAN BANJAR.

Pawos . 1 : Banjar wenang ngemanggehang tata cara nyanggra pekaryan i Krama minakadi :

1. DEWA YADNYA.
2. PITRA YADNYA .
3. MANUSA YADNYA .

Pawos . 2 : Karya Suka (Dewa Yadnya lan Manusa Yadnya)

1. Indik Pekaryan banjar.

Sang madruwe karya wantah kedadosan nunas karya mekadi.:

a. Sedurung karyan lpun:

- Lanang : 4 (petang) selid.
- Istri : sapuputnyane

b. Ring Panumayan karya : sapuputnyane Lanang – Istri.

c. Ngawit Panumayan karya kecihnayang / kewangsitan antuk suaran kulkul.

d. Pengambilan karya ke enter antuk prajuru.

e. Yening wenten krama Banjar ngemargiang karya (Dewa Yadnya) nguleman Krama Banjar Adat Gede , ritatkala punika wenten krama sane padem / seda , tigang rahina sedurung puncak Karya (Dewa Yadnya) , pengabenan utawi mependem sang sane seda dados kemargiang manut ring kewentenan pedewasan (atiwa – tiwa) .

2. Dedosan.

Krama sane nenten nyarengan mekarya nenten keni dedosan .

Wantah rasa segilik seguluk salunglung sabayan taka mekrama ring bebanjaran.

3. Sangun banjar.

a. Ritatkala nanceb salon polih sangu mekadi:

- Wedang lan sanganan kuskus.
- Ajengan manut tata cara nasional.
- Lanjaran sewentennyane.

- b. Ritatkala nyamuh.
 - Wedang lan sanganan kuskus.
 - Ajengan manut tata cara nasional.
- c. Karya selanturnyane.
 - Istri : wedang lan ajengan manut tata cara nasional.
 - Lanang : wedang, Sanganan sewentennyane tur ajengan manut tata cara nasional

4. Tegak.

- a. Krama banjar polih tegak linggih katik 7 lanangistri (lanang 7, istri 7)
- b. Sane polih tegak wantah Krama banjar sane nyarengin mekarya (mebat).
- c. Polih penyemeng utawi ajengan cokcokan manut tata cara nasional.
- d. Dados nunas ajengan 1 (asiki) rong tur polih upah ngukus katik 5 (tambar).
- e. Krama banjar wantah ngaryanin ulam paling akeh 50 (seket) katih adiri.

Pawos. 3 : Pitra Yadnya sane Ngewangun (Ngaben Ngewangun).

- 1. Indik pekaryan Banjar.
 - a. Sedurung Karya.
 - Lanang 4 (petang) selid
 - Istri sepuputnyane.
 - b. Ring panumayan karya : Lanang Istri sepuputnyane.
 - c. Ngawit pekaryan kecihnayang / kewangsitan antuk suaran kulkul.
 - d. Pengambilan karya keenter antuk prajuru.
- 2. Indik dedosan.

Krama sane nenten nyarengin mekarya nenten keni dedosan wantah rasa segilik seguluk mekrama ring bebanjaran.
- 3. Sangun Banjar.
 - a. Ritatkala nanceb salon.
 - Wedang, sanganan kuskus.
 - Ajengan manut tata cara nasional.
 - b. Ritatkala nyamuh.
 - Wedang, sanganan kuskus.
 - Ajengan manut tata cara nasional.

- c. Karya selanturnyane.
- Istri : wedang, ajengan manut tata cara nasional.
 - Lanang : wedang, sanganan sewentennyane tur ajengan manut tata cara nasional.
4. Indik tegak.
- a. Krama banjar polih tegak linggih katik 5 (lima) lanang – Istri.
 - b. Sane polih tegak wantah karma banjar sane nyarengan mekarya utawi mebat.
 - c. Polih penyemeng utawi ajengan cokcokan manut tata cara nasional.
 - d. Dados nunas ajengan 1 (asiki) rong tur polih upah ngukus katik 3 (tambar)
5. Indik Pegebagan.
- a. Gebagan sedurung makutang karma Banjar dados kepah kalih utawi rugan keenter antuk prajuru mekadi:
 - Wantah pisan : Rugan.
 - Wantah ping kalih : kepah kalih.
 - Wantah ping tiga : Kepah kalih selanturnyane rugan.
 - b. Gebagan sesampun mekutang.
 Banjar wenang magebagan ring paumahan sang medruwe alang jantos tigang rahina. (nyantos jam solas (23:00)
 Krama banjar dados kepah tiga.
6. Indik patis.
 Krama banjar nenten keni patis.

Pawos . 4 : Ngaben Nadak .

1. Pekaryan Banjar :
 Indik pekaryan Banjar sepuputnyane.
2. Indik dedosan :
 Nenten wenten dedosan , niki wantah kebecikan iraga sareng sami ring paguyuban bebanjaran.
3. Sangun Banjar.
 - a. Nenten kedadosan ngaturan ajengan pingkalih lanjaran mantuke ring I Krama lanang, ring I Krama istri wantah kedadosan.
 - b. Ring setra karma banjar nenten poleh sanganan pamuwun. (kuskus) utawi ajengan

4. Indik pagebagan.

a. Gebagan sedurung makutang karma Banjar dados kepah kalih utawi rugan mekadi:

- Wantah pisan : Rugan.
- Wantah ping kalih : kepah kalih.
- Wantah ping tiga : Kepah kalih selanturnyane rugan.

b. Gebagan sesampun mekutang.

Banjar wenang magebagan ring paumahan sang medruwe alang jantos tigang rahina.nyantos jam solas (23:00)

Krama banjar dados kepah tiga.

c. Sangun gebagan.

Wantah polih wedang ring sanganan sewentennyane.

5. Indik patis.

Krama banjar keni patis memerelina layon sepuwun – puwun nyane.

6. Indik tegak.

Krama banjar nenten polih tegak.

Pawos . 5 : Indik Mapendem . .

1. Pekaryan Banjar sepuputnyane .
2. Sang sane ngaryanin bambang polih ajengan nekor (ledang sang sane medruwe alang)
3. Patis : Pateh sekadi ngaben nadak kemaon kegentos antuk jinah. tur kesuserah ring sang sane medruwe alang
4. Gebagan : krame patut ngemargiang pegebagan ring sang sane medruwe alang , ke enter antuk Prajuru .
Dauh pagebagan rauh jam 11 (solas) wengi .

PALET 10: UGER – UGER PADRUWEN BANJAR

Pawos . 1 : Kewentenannyane (GONG):

1. Kadruwenan antuk krama banjar Adat Gede tur nenten Kengin keadol utawi ke gadeang patut keanggen turun temurun nyantos ruwekas.
2. Krama Banjar kengin nambahin sekadi kewentenan nyane mangkin.
3. Yening wenten kerusakan Krama banjar patut mecikan utawi ngentosin sane rusak.
4. Gong padruwen Banjar kedadodan ke enter saking semeton sane ngewikanin kesenian (Seke) sane wenten ring sejeroning Banjar , kemaon patut nginuting Awig – Awig Banjar utawi Pararem .

Pawos . 2 : Upah lan Sangun GONG .

1. Bala Ganjur.

a. Ring sajeroning Banjar

1. Dewa yadnya , manusa yadnya.
 - Upah ipun Rp.200.000,- (Satak tali rupiah)
 - Sangu : Sanganan kuskus ,wedang , lanjaran.
 - Upakara sejangkepnyane tur mesesari Rp. 15.000,- (limo las tali rupiah
 - Pitra Yadnya sekadi mapendem upakara sejangkepnyane tur mesesari Rp. Rp. 15.000,- (lima las tali rupiah). nenten polih sangu.
- 2.Pitra yadnya mekadi ngaben nadak utawi ngaben ngewangun:
 - upakara sejangkepnyane tur mesesari Rp.15.000.(limo las tali rupiah)nenten polih sangu.

b. Siosan ring sejeroning Banjar (Kantun ring wewidangan Desa Adat Abianbase)

1. Dewa Yadnya, manusa Yadnya, ageng ipun Rp. 1.200.000(ayuta satak tali rupiah) aselid.
 - Mesangu ; Sanganan kuskus , wedang , lanjaran upakara sejangkepnyane tur mesari Rp. 15000,- (limolas tali rupiah).
2. Pitra Yadnya : Pateh sekadi kesurat ring butir b.1. diajeng, wantah rauh di setrane , yening ngelantur nganyut nambehin mekadi sangu ajengan.
3. Yening ke tiosan Desa sang sane ngupah patut nyediang

pengangkutan/ mobil.

c. Ring Desa Adat (Kahyangan Tiga)

Manut pararem Desa tur kesungkemin / keraremin antuk karma Banjar Adat.

2. Gong sejangkepnyane.

a. Ring sajeroning Banjar.

- Upah ipun : Rp. 600.000 ,- (telu satak tali) aselid.
- Sangu : Ajengan, wedang, sanganan kuskus, lanjaran
- Upakara : sejangkepnyane tur mesesari Rp. 15.000 (limolas tali rupiah)
-

b. Siosan ring sejeroning Banjar.

- Upah : Rp. 2.500.000,- (kalih yuta limangatus tali rupiah) aselid.
- Sangu : Ajengan , wedang, sanganan kuskus lan lanjaran.
- Upakara : Sejangkepnyane tur mesesari Rp.15.000 (limolas tali rupiah)

c. Ring Kayangan Tiga (3) desa adat abianbase manut pararem Desa tur keraremin antuk Krama Banjar Adat Gede.

Pawos . 3 : Dedosan

Ritatkala Gong ngayah utawi meuruk krama banjar sane nenten poleh nyarengin nenten keni dedosan.

Pawos . 4 : Waneng Prajuru GONG .

1. Suwen ipun 5 (limang) warsa.
2. Prajuru sane lami dados kepilih malih.

Pawos . 5 : Ngangge Bale Banjar pingkalih Prabot Banjar .

1. Krama banjar sane nenten ngundang banjar ritatkala madruwe Karya, raris ngangge bale Banjar lan Prabot Banjar patut mepunia Rp.100.000 (satus tali rupiah)

2. Prabot – prabot sane ical utawi rusak patut kegentosin antuk sang madruwe karya.
3. Sang maduwe Karya patut ngeresikan ring sawengkonin Bale Banjar sawusan pekaryan nyane punika.
4. Yening wantah ngangge prabot kematen patut mepunia Rp. 50.000 (seket tali rupiah)

SARGA IV

NGUWAH NGUWUHIN AWIG

1. Nguwah nguwhin awig – awig puniki kelaksanayang antuk paruman Pemuka Banjar tur selantur ipun keraremin antuk Krama Banjar Adat .
2. Paruman Pemuka Banjar tur keraremin antuk Krama Banjar Adat punika kerawuhin sekirang kirang ipun $\frac{2}{3}$ (dua kepah telu) saking pamucuk Banjar utawi Krama Banjar .
3. Pamutus bawos mangda kdasar in antuk segilik saguluk salunglung sabayantaka .
4. Pekarsan / Pekayun indik nguwah nguwhin awig – awig kadi ring ajeng kengin / dados kemedalan antuk Pemuka Banjar, Prajuru Banjar yadiastun niri niri miwah sinarengan Krama Banjar risampun keraremin ring Krama Banjar Adat .

SARGA . V

PEMUPUT

1. Perarem puniki kewastaning awig – awig Banjar Adat Gede.
2. Awig – awig puniki kemargiang ngawit keraremin oleh Krama Banjar Adat Gede duk rahina....., Wuku....., Sasih....., Caka.....utawi tanggal masehi.....

Mahkacina pemutus Perarem saha kelingga tanganin antuk Prajuru Banjar pingkalih Pemuka Banjar Adat Gede .

LUWIR SANG SANE NGELINGGA TANGANIN

Kelihan Banjar / Pratus. I

I GUSTI NGURAH RAI

Kesinoman. I

AGUS SUGIARTO

Kelihan Banjar / Pratus. II

I GUSTI KETUT WIRTAYASA

Kesinoman. II

I NYOMAN KARTANA

PEMUKA BANJAR

1. I GUSTI NGURAH ALIT KANTA

2. I GUSTI KETUT SUBITA

3. I GUSTI NGURAH SUARTIKA

4. I MADE SUSADIA

5. I KETUT SANJAYA

6. I GUSTI RAKA SUANDA

7. I GUSTI AGUNG ALIT DWI MERTA

8. I GUSTI NGURAH OKA PIDADA

9. I GUSTI NGURAH OKA ASTAWA

10. I GUSTI KETUT ASTRA

11. I GUSTI NGURAH MAHAWIRYANA

12. I. MADE SUKADA

13. I GUSTI NGURAH MAHADIPUTRA

14.

15.

16.

17.

18.

19.

20.